

四庫全書

史部

欽定四庫全書

平定兩金川方畧

乾隆四十有一年歲在丙申春二月兩金川平

武功露布神人慶洽

皇帝俞廷臣請

勅臣阿桂臣福康安臣梁國治編纂方畧臣等謹率同

纂修諸臣編年紀月成書若干卷依次進

呈臣等竊惟金川為漢冉駝外徼隋置金川縣唐屬維

金史卷一百一十五
川至明隸雜谷安撫司要皆遙為羈縻而已我

聖祖仁皇帝六十年辛丑其土舍內嚮乞為外臣始受印
信西番語大川曰促浸小川曰儋拉因有兩金川
之號嗣促浸土司郎卡繫儋拉土司澤旺以叛乾
隆十三年戊辰

上命大學士傅恒往經畧斬其黨良爾吉阿扣與提督
岳鍾琪宣布

威德郎卡投誠乞命

上釋弗誅俾守其土司如故蓋

聖度包容赦過宥罪冀予更新洵與覆載同量也何意
狼子野心憑依險阻構釁鄰封卒至稔惡貫盈並
取鋤滅斯則孽由已作而

天討所用誠有出於萬不得已者矣金川險遠地錯番
部其近者曰緙斯甲布曰革布什咱曰巴旺曰布
拉克底曰丹壩稍遠者曰鄂克什曰從噶克曰梭
磨曰卓克采所謂九土司也二十三年郎卡逐革

布什咱土司色楞敦多布及攢拉土司之子僧格桑於吉地四川總督開泰檄緝斯甲布章谷諸兵擊走之時以番人讐殺不足煩大兵乃

詔九土司環攻之久而漸懈郎卡侵擾不已至三十一年總督阿爾泰赴康巴達郎卡率衆跪迎請悉反諸土司侵地以女配僧格桑維時阿爾泰冀苟安息事而兩金川因狼狽為奸矣三十五年攢拉遂侵鄂克什據其地阿爾泰等赴達木巴宗攢拉土

司澤旺老且病其子僧格桑走訴鄂克什詛其父
子故有隙今願罷兵悉反所侵掠許之三十六年
郎卡之子索諾木戕革布什咱土司并擄其妻慫
恿僧格桑攻鄂克什又分侵明正土司地阿爾泰
等奉

詔出師克復明正侵地是歲十一月

命大學士溫福自巴朗拉總督桂林自約咱攻克之三
十七年三月桂林克卡了遣軍收復革布什咱故

地溫福克資哩及阿喀木雅五月桂林有黑壘溝
之失匿不報為阿爾泰所劾

命臣福隆安馳至軍勘問罷桂林臣阿桂以叅贊大臣

赴南路統領十一月克翁古爾壘僧格宗十二月

遂克美諾美諾者小金川官寨也與金川之勒烏

圍噶拉依並踞形勢隱然為三窟云溫福克布朗

郭宗底木達俘土司澤旺解京而僧格桑自美臥

溝竄入金川乞援於索諾木索諾木陰拘留之時

兩軍既會

命溫福為定邊將軍

臣

阿桂豐昇額副之進討金川三

年索諾木既拘留僧格桑陰遣其頭人七圖安堵
爾等間道出美臥煽故番之降我者以撓我軍後
時將軍溫福移軍木果木賊猝掩山後攀援而上
綠營兵先潰溫福遇害小金川地美諾一帶復陷
于賊

上赫然震怒磔澤旺於市七月

臣

阿桂在當噶爾拉由

南路整兵出翁古爾壘

上授為定西將軍豐昇額明亮為副將軍色布騰巴爾
珠爾富德並為叅贊大臣調滿洲鑣銳火器營吉
林索倫諸軍赴勦臣阿桂西路明亮南路軍心奮
厲所向克捷旬日間盡復小金川地三十九年正
月臣阿桂進據金川谷噶山梁明亮克馬尼山前
石卡富德繞出山後合為一奪取絨布寨明亮遂
克木谿卡卡角是時豐昇額同舒常攻宜喜未下

而絨布軍抵庚額特亦阻於險二月臣阿桂克羅博
瓦山梁六月克色溯普此兩地並堅礮賊死守我
軍鼓勇殲之直臨遜克爾宗賊大創拒我且益力
臣阿桂偵知喇穆喇穆迤西備禦稍疎即分兵越
隘蟻附猿引而登並攻日則了口下之時豐昇額
等久頓凱立葉明亮尚軍絨布寨乃

詔豐昇額赴西路軍留叅贊武岱駐凱立葉牽綴之明
亮亦分兵七千豫由凱立葉進攻取道綽斯甲布

會綽斯甲布土司請為明亮前驅遂冒雨出不意
走宜喜山梁克之并克俄坡格勒古九月促浸力
不能支冀緩我軍值僧格桑已前死促浸乃縛七
圖安堵爾等及僧格桑屍與其妾側累投獻西路
軍前悉械至京十月臣阿桂克默格爾據曰爾當
當噶復克密拉噶拉木及凱立葉諸寨而引凱立
葉丹壩兩文官軍與之會合賊退守康薩爾山梁
四十年三月我軍拔鹿角超重壕據其山巔四月

攻木思工噶克了口破之並舉沿河羣尼等寨初
明亮既克宜喜賊掘壕斷道不得進臣阿桂令海
蘭察福康安等率千人助之攻甲索合立奮擊克
其薩克薩谷和隆武攻克日旁於是沙壩山達爾
圖得楞皆相繼下是時西路隔河營壘相對濟渡
可通其攻斯年木咱爾也臣阿桂具舟渡福康安
諸遜克爾宗在我軍後久未下及分路攻之豐昇
額督兵毀其碕六月明亮克額爾替及石真噶而

賊所守昆色爾喇嘛寺者在拉枯喇嘛寺之上地
最險臣阿桂由舍圖枉下紆道入截其巖道令泰
斐英阿進至拉枯寺而額爾特直昆色爾山梁拔
之海蘭察克果克多山峰遂圍拉枯寺縱火焚之
常保祿亦攻苗則大海墮其垣明亮遂自石真噶
下壓克沙爾尼其溝北為達思拉木溝南為丹札
木皆克之臣阿桂軍繞巴占八九峰後攻克冷角
寺進徧勒烏圍攻轉經樓樓與勒烏圍大礮相倚

角高礪八層憑依為阻我軍首戴柴捆手提沙土
囊進簿礪邊層疊壘砌頃刻成木柵三重俯擊礪
下賊又穴地用礮賊衆之掘溝以抗者轟擊立斃
其西南有橋曰甲爾日礮橋為噶拉依要路摹楚
兵泅水拽橋柱壞之至八月十五日夜我兵四面
合圍呼聲地震遂克勒烏圍官寨捷奏至

皇帝下詔嘉諭臣阿桂旋議言今為進擣噶拉依之計
宜先分兵攻取西里寨繞出科布曲山梁之上進

抵瑪爾古當噶勢若建瓴賊可不戰而潰也九月
由達烏達圍克莫魯古達斯里各碉寨奮攻西里
破其三碉十月取西里之黃草坪又克其兩山峰
壓至卡布角十一月克舍勒固祖魯雅瑪朋並取
薩爾外阿結占諸寨十二月直上科布曲山梁其
最高處曰索隆古悉攻克之進據則朗噶克了口
頭人色木里雍中等乞降願為內應遂由瑪爾古
噶克舍齊雍中兩喇嘛寺于十二月十七日統兵

進圍噶拉依而明亮軍之自琅谷而進也連克日
斯滿以下山梁並納木通斯底葉安復由日斯滿
上通甲索克阿爾古又克獨古木上下寨乘勝通
當山梁剗甲襍躡獨松遮巴布朗谷時大軍既圍
噶拉依賊巢河西地遂迎刃而解先是富德遣舒
常等鑿地道抵噶咱普山坡間施火藥轟擊至是
亦進據噶咱普並據至馬爾邦以次徇穆谷庚額
特曾達諸寨與兩路大兵會合圍攻賊負嵎抗守

益堅四十一年正月我軍用大礮晝夜環擊穿礮
牆數重殪賊無算并斷其水道賊益惶窘西路軍
進抵噶拉依時索諾木之母阿倉姑阿青等先相
率出降至是其兄莎羅奔岡達克等詣營持兩端
觀望我軍攻益急二月初四日索諾木率其兄弟
土婦及頭人耆衆二千餘人出寨捧印信跪獻軍
門生就俘獲無一脫者自圍勦噶拉依凡四十餘
日金川闔境悉平夫以逆酋抗拒

王命蠶食鳩張久為西南邊外之害其所恃者危巖陡
削雪深箐密寸步千仞以為

大軍不能從天而下也因是肆貪殘之性逞陰狡之
圖始播言於維州繼號召於昔嶺罪難擢髮亡速
游魂我

皇上掄簡六師分路聲討一切山川扼要奇正機宜萬
里軍情洞若觀火賞罰進退不爽銖毫又賊人詐
偽百出或詐請受降或謀集後路

皇上九重默運燭照如神屢

飭在事諸臣嚴防峻拒使之蹙縮日甚毋得稍售其奸
至於從征將士摧礮寧砦奮不顧身則又

褒卹慰問感涕行間其番屬弁兵偶竭微勞必加

溫獎若夫軍鋒所指深入長驅履勝則戒以滿盈遇
則戒以輕率悉皆

申訓再三前後五年無一不稟承

睿畧實由

聖天子之惟斷乃成而

宵旰憂勞用以臻此成烈也爰乃謁

兩陵禮

泰岱告

闕里獻俘

郊勞飲至策勲五等榮封世爵罔替

會繪諸戰圖以彰盛績畫功臣像於

紫光閣諏吉恭上

聖母皇太后徽號

頒詔天下

慶典覃施

御製碑文四篇一刻太學一刻美諾一刻勒烏圍一刻

噶拉依垂示無極至若設鎮安屯經久歸畫次第
行之逆酋等暨其醜屬咸正厥罪懸首藁街而諸
土司畏懷兼至分年入

覲便蕃

宴賚一如哈薩克回部之制猗與偉哉臣阿桂膺闡外

重寄仰荷

天威犁巢洗穴備蒙

渥眷

恩錫之隆古所未有復以兩金川耆定之地皆所身歷
命與臣福隆安臣梁國治編纂方略書成復撮其大要
臚具顛末以為紀畧臣等才識擣昧未足窺

乾坤之運量附

海岳之宗深承乏編纂無任慙悚

平定兩金川方略

欽定四庫全書

平定兩金川方略卷首

九章一

平定兩金川告成大學碑文

太上立德其次立功又其次為立言而德與功皆賴言以傳言之無文行而不遠文之時義大矣哉然傳德之辭直而寡傳功之辭費而多直而寡者不因文而德自見二與三謨經世立教是也費而多者必因文而功乃

明周誥殷盤佶屈聱牙是也吾嘗讀韓昌黎平淮西碑
益悉此言之不爽何則彼其藩鎮乃家奴之類憊患因
循以致宛成敵國削而平之是宜引以為愧而不可炫
以為功賴昌黎之文幾與江漢常武同稱者定然有識
者固知其辭費而多飾而未知憲宗之愧與弗愧耳今
之平定金川之文不有類於斯乎解之者曰逆酋羈縻
徼外非若淮蔡之居中土元濟之為世臣也吾則以為
既以受職為土司則是我臣而其地近接成都遠連衛

藏則是我土我土我臣而橫生逆志蠶食鄰封將欲大有所為弗勸而滅之則西川將不能安枕茲雖歲事與平定淮蔡擒吳元濟何以異故宜引以為愧而不可炫以為功者以此金川之始見於己已告成之文茲不復記記其復叛而復征則其陰謀負恩已自戊辰年始蓋戊辰之師實緣其跳梁不靖而師既臨境彼即窮蹙乞降遂以赦罪領師甫十年而其首郎卡即與革布什咱構釁又四年遂與綽斯甲布及三雜谷為敵而逆子索

諾木克悖益甚自恃地廣人衆力強與各土司構兵訖
無寧歲故各土司皆畏之如虎而以勢分力散又莫能
如之何余以為業已受其降不宜復加兵且蟻鬪蠻觸
不足以勞王師因命地方文武大吏隨宜彈壓令弗越
內地界亦足以安民而示度耳不虞地方大吏欲息事
而每示寬逆酋轉以為首足懼而日益逞其小金川逆
酋僧格桑者始則與索諾木水火相仇繼乃狼狽為奸
於是索諾木計殺華布什咱土司色楞敦多布取其印

勅以歸而僧格桑亦侵佔郭克什地界且發兵圍其土
司色達拉之官寨期於必取總督阿爾泰提督董天弼知
事不可掩乃有發兵之請是役也或咎阿爾泰依違誤
事之過而余則以為阿爾泰之過皆余之過蓋金川因
其地險衆悍久蓄異志是以有殺至維州橋之謠

維州本漢

徵外羌冉駹地蜀將姜維征羌駐此築壘後因名為姜
維城唐武德初因其地置維州屢叛屢復廣德中陷吐
蕃號為無憂城遂累入寇擾大中時始復內附五代蜀
州內徙改縣曰保寧宋景德初改曰威州元至元間以
州治保安縣並入明洪武初於州境析置保縣本朝雍
正五年省威州入保縣屬茂州今其地尚有維州橋之

稱而促浸番人以殺至維州橋播為
謠曲似係聞吐蕃舊事妄冀效尤耳則其不忘內地情

率可知戊辰之役我師深入屢勝即不宜赦其罪而受
其降此一誤也甫十年而卽卡偕恩作亂以及逆子踵
其蹟皆不及發兵問罪惟令地方大吏隨宜處置又屢
誤也以至尾大不掉終予興師故予不咎人之議為窮
兵黷武而轉咎已之類於姑息養奸益中國之制外域
張捷伐則彼畏而斂跡主和好則彼輕而生心漢唐宋
明之覆轍率可鑒也若謂予窮兵黷武則予賴

天恩平伊犁定回部拓疆二萬餘里豈其尚不知止足而
必欲滅蕞爾之金川以為揚赫濯紀勲烈之圖哉雖然
平伊犁定回部其事大矣然費帑不及三千萬成功不
過五年茲兩金川小寇地不逾千餘里人不滿三萬戶
而費帑至七千萬成功亦遲至五年則以跬步皆險番
奴効命死守故得延至今日而我將軍阿桂立志堅定
決機明敏兩副將軍及叅贊領隊諸臣同心合力各軍
士敵愾奮勇凡經大小數百餘戰而後成功視平伊犁

定回部費力不啻倍蓰設非

天恩助順衆志成城則金川未易言滅而國威或致稍損
矣是不可以不記觀斯文者尚諒予懷慚悔過之不暇
知非稱功誦德而為言其庶幾乎繫之以辭用誌始末
云爾

小金首禍曰僧格桑兵救鄂什

向稱沃日今定為鄂克什急呼之則鄂什也

竟抗顏行

僧格桑於庚寅夏與鄂克什土司構怨稱兵阿爾泰董天弼親往誠諭奏稱逆酋遵教退

歸亦遂釋而不問未數月復圍鄂克什辛卯夏阿爾泰乃遣兵護鄂克什而逆酋亦遂與官兵交戰督臣

提臣每事遷就知弗勝任將軍別授阿爾泰等名為進兵仍思遷就完事

因諭溫福由滇赴川經理軍務且命桂林馳往視之辛

卯冬因阿爾泰始終遲疑玩誤遂罷其職而以溫福代

為大學士授定邊將軍由西路督兵進剿其攻破巴朗

四川總督則令桂林代之統兵攻勦南路

向訛為班直取達圍進抵資哩數月克之兩路夾擊遂

爛山今改

得美諾鼠竄狼奔金川助惡溫福初至西路即策勵將士攻克巴朗拉乘勝直取

達圍進攻資哩數月而克之繼命豐昇額為叅贊同溫

福進勦賊尋退還木關壩我兵進抵路頂宗桂林在南

路其始頗合機宜連破約咱卡了諸寨并復革布什咱

侵地尋為宋元俊所誤致有墨龍溝之失桂林匿不上

聞為阿爾泰所劾因即罷斥而令阿桂以叅贊馳赴南

路代領其兵南路自達烏至僧格宗皆峭壁懸崖砌卡

林立阿桂董飭官軍勵勇推堅稱入其阻乘勝進擄美
諾賊巢壬辰十一月遂克之溫福亦攻克明郭宗至美
諾與阿桂會復督兵攻取布朗郭宗逆首由解徑竄入
金川擒其父澤旺解京乃傳檄撫定汗牛大板昭等寨
落小金川悉平而金川逆酋索諾
木復敢黨惡拒命因移兵並勦之
既平僭拉

小金川書語本名

遂討促浸

即金川書語名

雪多境險奏功以沈奏功以沈賊更

遮却綠營怯懦遇戰辟易

攻勦促浸之兵溫福由功噶爾拉阿桂由當噶爾拉分兩

路並進功噶爾拉山頂上了口賊築礮斷徑不能進遂
別由昔嶺統攻而礮堅地險巢多而雪攻之半年雖屢
得賊卡終未扼其要害綠旗兵既懦憊溫福又不善調
度以二萬餘人散布各卡防守遂以分而見單賊窺其
罅隙於癸巳六月遣番衆數百由間道潛出煽誘僭拉
降番復叛董天弼庸懦失守為賊所戕賊益猖獗擾溫

福後路直侵大營綠營兵衆先潰將領戰沒者多溫福率親兵與賊搏戰亦遇害備拉之地復失逆酋等罪大惡極愈不

兵既無能將復失算豈如南路全師而返

叶

阿桂在當噶爾拉軍律明而士心固賊不敢犯然木果木有事之後當噶爾拉亦難獨駐遂整勵兵衆由南路

全師而出重調勁旅吉林索倫健銳火器其心忠純

前已簡派八旗

兵三千令赴川助勦為溫福等奏止使木果木軍營有滿洲兵在彼則綠營得所依恃不致倉皇潰竄是其事仍由溫福自誤幸阿桂一路軍氣甚整即授為定西將軍並選健銳火器營兵三千吉林索倫黑龍江兵四千迅赴軍營重籌進勦仍分兩路堂堂正正不旬日間美諾重定

癸巳

冬將軍阿桂統兵由西路進攻其南路則令明亮為副將軍進勦兩路並進所向克捷旬日之間即收復小金

部川全

谷噶既入馬尼

去聲

並克泰養旗兵允得其力

阿桂等於

甲午正月搶佔谷噶了口山梁明亮等亦於是時攻克馬尼兩路之兵皆因有八旗勁旅奮勇先登綠營觀感

激勸特效法恐後奏績甚速

釀三路進一阻宜喜及彼絨布遇險而

止

副將軍豐昇額同舒常於宜喜駐兵與阿桂明亮共成三路第宜喜之兵攻勦半載未能寸進而明亮則

由馬尼攻得木谿卡卡角及抵庚阿桂西路則屢建功額特亦阻險未能進遂駐紮布寨

羅博湖普達遜克宗

甲午三月阿桂攻克羅博瓦山梁六月攻克色湖普此諸寨並峯峻

礮堅賊衆悉力死守官軍皆涉險銳攻殲醜甚衆遂臨遜克爾宗

喇穆山梁日則了口

舉默格爾以擾其後

我兵攻克色湖普後賊衆防守益力阿桂偵知喇穆喇穆迤西峯厘

陡削賊備禦稍疎因分兵超越進攻畫據其碉並攻克
日則丁口亦六月中事其後兵進稍阻至十月初復繞
道攻得默格爾山梁其梁噶爾
博日爾八當噶之賊皆截于後明亮宜喜亦據嶺梁而

後難進徒然望洋

宜喜為賊要隘守禦極嚴豐昇額舒
常攻之一年未下繼而命豐昇額改

赴西路舒常在彼更不能進甲午夏因明亮在絨布屢
攻未進不宜頓兵于無用之地今其分兵七千移攻正
地明亮遣偵卒往探不見賊眾難以輕進亦赴西路協
勦阿桂札止之會綽斯甲布土司懇明亮駐宜喜并顧
勦前驅明亮乃出其不意分兵冒雨直進遂據宜喜山
梁並攻得俄坡格勒古賊因掠濠斷路明亮等復為所
阻建昨乙未畧康薩爾木思工噶賊碉並毀阿桂自攻
矣乘勝直進賊復于康薩爾山梁抗拒阻兩月餘乙未正
月阿桂派兵分路潛進拔其鹿角連越重濠躍上碉頂

遂毀其碉礮賊甚衆四月復攻得木
思工噶克了口從此下壓勢益順矣
明亮河西亦有所

據日旁以前五十里路

明亮因達爾圖之路為賊所斷
商之阿桂謂當仍由宜喜一路

進攻並派西路兵一千令福康安帶往攻克甲索碉卡
海蘭察亦往會攻合力并擊先克薩克薩谷其日旁右
之沙壩山并達爾圖得楞及溝內之斯年木咱爾各
賊皆紛紛棄碉遁周圍五十餘里寨落悉行焚燒夾

河兩軍聲息可通並清後路遜克爾室

五月中明亮攻
克額爾替碉卡

可下至平坡六月間復攻克石具噶寨阿桂派兵沿河
從赤爾寨攻打隔河之沙爾尼一帶兩岸夾擊聲息可
通迨阿桂攻得隔爾丹喇嘛寺等處居高得勢以遜克
爾宗在我兵之後留之非計遂派兵三路分進豐昇額
督率攻勦或斫寨而入或梯牆而進
遂得其碉殺賊無算後路肅清矣
苗則大海昆色拉

枯層層破要步步披嶇

喇嘛寺以昆色爾喇嘛寺在此路尤為扼要

其舊則大海亦當並勦分派將領統兵同往其昆色爾山梁最險官兵皆蟻附上攻佔其礮寨復縱火焚燒拉枯喇嘛寺又攻得舊則大海官遂克勒圍紅旗飛遞而兵無不超越而登飛騰而入

何四月大捷未至既克西里迺若建領科布

曲

索隆

古

不日而傾

阿桂於八月十五夜攻克勒烏圍其附近礮卡木城六十餘處一夕無不摧破八日而紅

旗逆至木蘭詳見開捷凱歌及誌事詩有奏捷之後四閱月雖時有克復未能深入直至十一月攻克西里軍聲愈壯而賊勢愈蹙尋即攻得科布曲索隆古山梁並克格隆古堯窩等要隘又掃清安布魯木一帶益據建

領之勢矣

雍中舍齊易如拉朽密圍噶

喇

依賊其奚走

阿桂既克

索隆古進攻朗阿古則朗噶克了口等處皆克之並據
噶占山梁十二月十七日遂將瑪爾古當噶一帶寨落
悉行掃蕩並克舍齊喇嘛寺次日復攻克雍中喇嘛寺
等於十九日統兵直搗噶喇依四面圍攻水陸俱斷促
浸者衆自攻克勒烏圍以夾大小男婦紛紛投出其大
頭人布籠普阿納木達什阿庫魯等遂皆相率乞降並
索諾木之母阿倉姑阿青及其姊妹亦皆投至軍營僉
云索諾木莎羅奔兄弟并作惡之大頭人丹巴沃穰爾
等皆在園中此蓋逆首賊黨等罪孽深
重天奪其魄驅之一處以就擒也

是時河西明亮

亦入富德馬邦傳檄莽拾

明亮既克阿爾古等寨克取
獨古木聞遁乃當山梁並擄

甲雅掃獨松河西一帶悉行勦洗過河會阿桂合攻賊
巢富德亦將河南北之噶咱普庚額特曾達等各寨落
全行掃清直據馬爾邦亦連兵與阿桂會
富德所得之地俱不煩兵力易如拾芥
設非西路圍

噶喇依則其兩路亦無進期

明亮富德兩路向皆報於攻取而富德久駐絨布尤

未能寸進自阿桂既克索隆古乘勝席卷已圍噶喇依各處之賊皆膽破心散望風潰降非果由力戰而得若非西路官兵直搗明亮富德兩路仍未有進取之期也 諸軍既合火攻周遭雖據

三穴訖其奚逃然猶死守四十餘日計窮力竭乞命而

出

官兵四面合圍賊猶負隅力抗繼用大破環轟摧其礮卡將士等乘勢克取旁近寨落層層進逼賊日

多逆酋惶懼遣其兄岡達克彭初克次第詣營並即拘繫於是攻圍益急據其近礮斷其水道索諾木窘迫無計遂於二月初四日早率其兄弟莎羅奔甲爾瓦沃雜爾斯丹巴并兩土婦及黨惡大頭人丹巴沃雜爾阿木魯綽高斯甲尼瑪噶喇克巴並兩喇嘛拏大小頭目男婦二千餘人出寨逆首跪捧印信乞免誅戮因即悲就

擒獲俘獻京師自圍勦以來計四十餘日至是全境蕩
平罪人斯得紅旗於二月十二日馳至桃花寺行在適
當告功東陵之期此實仰賴皇祖默佑益深感
隨諭將軍阿桂等統成功將士擇日凱旋俟東巡迴蹕
至黃新莊舉行郊勞大典以昭優武策勲之威

金川之功阿桂居首特恩異數

加之宜厚

征勦金川之役實由將軍阿桂蓋誠體國不
憚艱勞制勝運籌克成偉績實為此事首功

特封為頭等誠謀英勇公加賞雙眼花翎紅
寶石帽頂四團龍補掛金黃帶紫轡以昭崇獎

能出能

入有權有經運長擊短後實先聲金川之功允資羣力
寸步層峯氷滑石灰將軍指揮無不奮勇以此破敵鹿
唾隴種金川之功非予所期事弗可已久而得之困獸

猶闢捨德難肋念我衆勞至今心惻金川之功允賴
上蒼靖彼蕃徼我武惟揚勒碑太學用遵成例靜言思之
文以誌愧

平定金川勒銘美諾之碑

首禍者必有奇禍之遭僭德者必有凶德之報蓋僭拉

之首禍實由促浸之教而促浸之僭德亦由僭拉之肇

故戊辰之後以救僭拉而有促浸之征

前因金川侵擾小金川拘其土

司澤旺地方官諭之不從輒敢干抗戊辰冬遣經畧大學士傅恒統禁旅往勦我武方揚而莎羅奔即卡窮戴乞

命因矜其頑蠢遂允受降澤旺乃得復歸故地即卡始尚畏懼歛迹未十年輒思吞噬鄰封時相仇殺彼時以

蠻觸爭衡乃其常事亦遂聽即卡既死其子淩諾未與小金川僧格桑狼狽為奸負恩梗化遂致復勞師旅深

悔前此之姑息矣

茲辛卯之師以伐僭拉乃並促浸而掃

僧格桑恃

有索諾木黨惡欺陵鄰疆攻圍鄂克什官寨佔其境地
霸其土司經前督臣阿爾泰等往諭罷兵逃地逆酋陽
奉陰違浸至辛卯夏僧格桑乘索諾木侵害革布什咱
土司之寨益復滋橫並且修築木卡謀抗天朝勢不得
不加兵革而阿爾泰因循貽誤遂命溫福由滇入蜀
授以大學士統兵征勦即攻克巴朗拉繼又克復達園
一帶以至資哩官兵前路頂宗仍不能進壬辰夏阿
桂以叅贊赴南路統兵於是年冬攻克僧格桑甫半月
即乘勝攻得美諾其餘寨落悉傳檄撫定小金川平而
僧格桑逃往金川索諾木匿而不獻於是移兵並討促
浸彼其緩則頡利突利之相猜急則僞如榮如之相保
然而地險人強機謀深造則攢拉遠不如促浸故美諾
再入而再克

美諾未嘗不險而一克僧格桑其勢遂如
破竹逆酋僧格桑初竄布朗郭宗溫福由

明郭宗統兵往捕僧格桑已從美卧溝遁入金川擒其父澤旺以歸溫福為將軍始猶勇往繼乃疎於籌畫又不得人心癸巳夏賊衆從後路潛出遂有木果朱之變美諾亦尋失去乃命阿桂為定西將軍發八旗助旅往勦阿桂部署稍定於十月廿九日進兵自嶺哩至美諾五晝夜悉行恢復實為神速而僧格桑既至金川索諾木即羈留不遣即共謀擾木果木但令小金川賊目入圖安堵爾往美諾號召而不使僧格桑復還故巢則是索諾木之密圖吞併償拉以次蠶食旁近土司并且欲侵及內地固已漸露端倪罪惡貫盈實難輕宥耳雖

南有僧格宗北有明郭宗而我師奮力攻取無不立摧

堅碉遂據官寨之穴

美諾為小金川市寨即其巢穴也

此固

皇天助順將卒盡力而亦其首禍僭德之招是用勒銘首

纂永鎮符徵

平定金川勒銘勒烏圍之碑

美諾既克移問促浸狼狽為奸而更謀深劫木果木

自壬

辰冬攻克美諾逆酋僧格桑竄去索諾木匿而不獻於是移兵申討促浸時溫福為將軍由功噶爾拉進勒阿桂為參贊大臣由當噶爾拉進勒溫福旋攻據肯額遂駐木果木師久不得進溫福絀於謀以營中所有之兵築卡布守既耗兵力且以分而見少癸巳夏賊首窺其無能乃逞狡謀令賊目糾眾自美卧溝及大板昭潛出號召僭拉降番復叛擾木果木後路溫福漫無部署軍營為賊所劫綠營兵怯一時俱潰溫福被害其餘大臣官員兵丁陣亡者甚多我朝用兵從無如此挫折者思之實堪切齒其恨至今將士何辜

弗雪冤沈兵威大振勁旅繼至師分兩路谷噶馬尼

去聲

木果木之背由營中無滿洲兵為之表率亦由溫福等奏阻故已派而未遭及溫福既債事知綠旗兵之終不足恃乃派健銳大器營兵二千吉林兵二千索倫黑龍江兵二千並派西安荆州駐防滿兵四千前往以為之倡又添派陝甘滇黔兩湖精銳數萬合力大舉以阿桂為定西將軍豐昇額明亮為副將軍阿桂遂統八旗勁旅聞五晝夜而恢復憤拉全境乃進攻促浸甲午正月阿桂自西路攻克父噶丁口佔其上梁入賊境百餘里明亮亦有南路攻克馬尼此為再進克捷之始軍聲大振

上下同心據忠敵愾西

路遂進南路畧尼

去聲勒烏闐從西路進攻噶喇依從南路進攻阿桂自攻得谷噶丁口

遂能扼要所進據皆其險阻明亮等既得馬尼雖時有小捷然廣額特馬爾邦俱未易攻進於是遂專望西路之得了口深入爰克羅博阿桂自了口進兵以羅博瓦手矣

路分將領率之起越而登遂將羅喇穆喇穆併占默格

瓦山峯及山岡礮卡盡行攻克

喇穆喇穆併占默格

叶阿桂自三月間攻得羅博瓦阻雨數月至六月初

稍盡遂克其岡下之色湖普又於六月下旬盡克喇穆

山梁及日則了口七月中又克其該布達什諾大木城

并焚燒格格角寨落十月中復佔其默格爾山梁其地

在日爾八當噶之下崇噶爾博之上向開地圖指以咨

詢阿桂而所籌適相合既佔此山梁遂克密拉噶拉木

大寨並克獲凱立葉各獲康薩爾木思工噶

寨我兵勢益聯絡矣

獲康薩爾木思工噶

旬十月阿桂

得默格爾駐兵密拉噶拉木幾兩月餘至乙未正月十

二日官兵乃攻克康薩爾山梁其險倍於他處賊之守

禦亦更堅而官軍於三日內得之其後復因雨雪頓兵

三日至四月初十日天霽雪消十四日中夜官兵潛進

攻奪木思工噶克了口阿桂僅十一

日而收三年未竟之功洵不妄也

遜克爾宗其險難

託

遜克爾宗為勒烏圖賊巢外險自前歲四月間攻之經年未克阿桂自得木思工噶克了口之後於五月

初

攻克噶爾丹喇嘛寺及噶朗又搶佔舍圖枉卡已居高得勢而留遜克爾宗在後究屬非計乃於五月十二

派

兵前往時霧氣四塞官軍乘勢攀越崖礪直至礪根遂將其地上下石礪木城悉行攻克是役也豐昇額之

力

居多因於其公號果毅下增繼勇凡此數處林立堅

二

字嘉其能紹乃祖額宜都之績也

礪

層次攻勦我師實勞據昆色爾乃近賊巢北軍亦至

隔

河匪遙七月初二官軍乘夜潛進直上昆色爾山梁

賊

寨至拉枯喇嘛寺飛騰而入又得喇嘛科爾三寨並

攻

克苗則大海竭三日三夜之力佔地縱橫三四十里

焚

其礪寨一百三十餘先是明亮在南路以其株守無

益

令移兵北路會勦甫至宜喜即得達爾圖山梁至是

益

令移兵北路會勦甫至宜喜即得達爾圖山梁至是

益

令移兵北路會勦甫至宜喜即得達爾圖山梁至是

復由茹寨攻進連克額爾替石真噶等寨盡得其上下沙爾尼之地與阿桂軍營僅一河之隔矣 曰勒烏

圍賊舊官寨垣固礮高力守要害經樓輔車陡砌畫界

木卡石城蠶簇鱗繪拏柵周遭援路截其汨水拽橋囊

土濟師

勒烏園為賊舊巢恃其礮高牆厚守拒甚力且有轉經樓相犄角中間礮卡鱗次又阻以高砌

五層殊

不易攻阿桂於勒烏園轉經樓之中拏柵以截

賊人援路

並令冷角寺一帶官兵由西北而南沿河拏

柵以斷其下水之路

又募楚兵善泅水者繫巨索於甲

爾日礮柱以拽圮之

又以礮邊賊人非鎗石可及乃令

官軍頭戴柴捆手推沙囊匍匐而行

至砌沿穴道旁出

層積堆起趕列三層木柵以擊砌下之賊

穴道旁出

轟以地雷

叶

凡此百計用盡無遺

並于所掘地道中用礮轟擊砌下掘溝抗

拒賊衆凡可以用力設法者等
畫備至阿桂可謂善于謀矣

四面礮攻礮摧垣裂遂

督大將所墻衝闢遊魂弗支奔迸斃躡功成一夕中秋

八月

官軍四面合圍礮轟鎗擊並拋擲火彈所遇礮卡
或拔棚斬而入或攀援踴躍而登呼聲四起賊衆

披靡殲戮殆盡惟莎羅奔兄弟及賊目丹巴沃雜爾聞
風先竄究亦難逃夫天網計亥子丑三時將勒烏園官
寨轉經樓喇嘛寺進行攻克凡賊所恃以抗拒
之處一夕無不摧破時乙未八月十五夜也

衆軍之

力一帥之謀靖彼賊穴安我蜀陬肫乎厥忠卓乎厥猷

銘誌鴻功永示千秋

平定金川勒銘噶喇依之碑

向不云乎弗加征而自臣屬謂之歸順始逆命而終徠
服謂之歸降若今索諾木之窮蹙率弟兄出碉獻印不
但不可謂之歸順即歸降亦不可得而方彼其抗命相
拒歷五年之長茲已密圍巢穴火毘圍攻腹心潰內羽

翼失傍

官軍初圍賊巢蟻聚猶負隅抗拒我兵用火礮四面環擊賊自拂力不能支日形窘迫先是逆

苗之母姑姊妹情急來投自請遣人回巢招諭索諾木乃遣其兄岡達克彭楚克以次詣營懇求皆就拘繫其黨惡之布籠普阿納木等先後求降山塔爾薩木但等並經擒獲於是進圍益急賊勢日蹙官軍復摧其近碉

斷其水道者衆恒懼紛紛潰出索諾木遂率其兄弟莎
羅奔甲爾瓦沃離爾斯丹巴及兩土歸並助惡之大頭
人丹巴沃離爾阿木魯綽富斯甲尼瑪噶喇克巴偕兩
喇嘛挈屬二千餘人出寨逆面跪捧印信羣泥首乞命
由是罪人斯得獻俘奏凱方將劖砦搜穴利斧其吭生擒亦易旦夕

滅亡乃始匍匐請命又安得比之肉袒牽羊噉喇依者
蓋其世守官寨故多深塹高牆我師萬層險歷千戰威
揚譬之大木已盡去其枝葉則本根亦可待其立殫然
而逆賊有言官軍若至當毀其重器聚族焚而自戕使
果如所云則雖獻馘歲事終不如生獲盡美盡善之慶

是蓋亮渠罪大惡極而且貪生苟延以致獻俘闕下明
正典刑於是疆界厥地屯戍我兵鎮羣蕃而永靖樹豐
碑以告成功歲在丙申仲春日吉時良

臣等謹按金川之役仰賴我

皇上先幾炳哲

睿算無遺衆勵一心功成五載恭讀

御製碑文

天人順應之機

國家命討之義與夫有戰必克不得已用兵之心莫
不昭示方來炳如日月古者告成於學惟魯頌
紀在泮獻馘之文後世磨崖勒碑率多侈陳功
德宣如

今日犁庭奏績丹旆邛笮永慶銷兵

神武布昭

奎文炳煥非區區刻畫金石者所能媲美萬一也

平定兩金川方畧卷首

欽定四庫全書

平定兩金川方略卷首

天章二

降旨四川省供應兵過之各州縣緩征今歲錢糧詩

以誌事

壬辰

昨歲輪蠲蜀正供今年仍命緩征農為因小醜忽謀逆

靡已大兵往討克

小金川僧格桑以舊屬土司侵吞鄂克什明正之地督臣屢檄不悛是以

分路進討竟至抗我顏行今約咱巴朗拉碉寨已破達
圍之圍亦解乘此搗穴擒渠固可完局儻竄入大金川

或不即遵諭縛獻勢必移師
往征以歲成事非得已也

雖是軍需發國帑豈無力

役籍民從滇師並有加恩例

前年官兵赴滇一切俱發
官帑所過州縣錢糧節次

加恩蠲緩並格外賜銀以
給夫役例不准開銷者

肯致閭閻歎孔叩

自慙

夜不安眠晝間頻畫籌軍務每勞神自慙息事安民念

却類窮兵黷武人已是三年養狡寇

小金川逆首僧格
桑於庚寅夏即與

鄂克什土司構怨稱兵總督阿爾泰提督董天弼親往
誠諭逆首即遵教退兵比奏至朕以番蠻互相仇殺習

俗使然既知悔罪息爭亦遂釋而不問迨阿爾泰甫回
未數月逆首復於去年夏乘金川興革布什咱構釁仍

圍鄂克什且與金川索諾木潛相勾結狼狽為奸並敢
築壘抗拒罪難更遣而阿爾泰等尚思遷就完事屢加
督飭阿爾泰等猶遲疑觀望雖稍進兵未得要領知其
不足恃因諭溫福白旗赴川專司攻勦西路且命桂林
前往南路經理後見其措置頗合宜遂罷阿爾泰命桂
林代為總督此去歲十一月事也小金川之役朕初意
實不欲煩師旅今則兩首同惡索諾木敢於助賊抗顏
不得不並為聲討未嘗不悔前此之失於姑息致三年
尚未蕪功茲實勢難中

奈逢兩路誤庸臣

溫福初至西
路軍營策勵

止並非好為蹟武也
將士即攻破巴朗拉直取達圍進攻資哩數月而克之
可望乘勝果入乃因參贊五位密許溫福察其必係有
過懼効先發制人及命溫福查覆果列五位罪狀以奏
即命色布騰巴爾珠爾代為參贊大臣並同豐昇額往
鞫其事色布騰巴爾珠爾甫抵軍營即偏袒五位輕信
其言搆搆溫福細故入告朕鑒溫福之小過宜宥而其

事必司員明德愆所致因連五岱明德訊究並治色
布騰巴爾珠爾之罪而溫福已為所誤月餘不能進勒
矣至於桂林在南路其始調度深合機宜連破約卡
了諸寨將自達烏至僧格宗並令宋元俊收復革布什
咱侵地方冀可成席卷之勢不意桂林罷小易盈惟事
安居酣飲不恤士卒及派將領問道攻取北山梁兩次
告急桂林玩不赴援又不夾擊應致將卒等傷及二三
千人桂林匿不上聞自此遂一籌莫展月餘不復進兵
經阿爾泰等劾奏特命福隆安往訊若實當重治其罪
而令阿桂代彼統兵督篆則仍授阿爾泰是兩路俱屈
垂成均以事端岐阻延誤月餘實為憤懣今溫福一路
漸有起色惟冀阿桂至南路振作一新彼此速奏捷音
耳

庸臣過即予之過易置佇聞捷報臻

定邊將軍大學士溫福奏報攻克布朗郭宗賊酋僧

格桑竄入金川整兵追勦小金川全平詩以誌事
有序

小金川逆酋僧格桑特與金川逆酋索諾木狼狽為
奸陸梁抗命索諾木潛為黨惡助兵代其拒守因命
大學士溫福為將軍尚書公豐昇額副之統兵攻其
西路而南路則以內大臣阿桂為副將軍督兵並進
所在山徑險仄賊得逞其負隅之計西自資哩美卡
路頂宗至明郭宗南自達烏甲爾木翁古爾壘至僧

格宗皆峭壁懸崖碉卡林立將軍等董飭官兵勵勇奮擊我領隊大臣侍衛並率衆先登始以大礮摧其堅繼乃覓間入其阻每克一寨皆久經攻戰而後得其難如此及阿桂既克僧格宗乘勝直入徑擣美諾賊巢逆酋先期遁去會溫福亦攻克明郭宗既美諾兩軍相合溫福等仍督兵窮追徑取布朗郭宗逆酋復由僻徑竄入金川遂收底木達擒其父澤旺因而招徠汗牛撫降別斯滿諸寨其大板昭亦傳檄而定

小金川悉平時軍營奏至謂番境界在雪山之中茲
值隆冬乃晴煖無冰雪衆以為異此實賴

上蒼眷佑將士等得以利便集事第其徑涉艱險破碉奪
隘諸勞績則不可以無紀今大軍進勦金川所當掃
蕩鼠穴繫縛二酋以告歲事而

天之助順人之用命尤予所切望而深勗者俟大勲成當
倣平定西陲例凡戰地悉為繪圖張之武成殿壁圖
系以詩此誌事之什特為先聲之倡耳

欽定四庫全書

平定兩金川方畧卷首

美諾賊巢失

先是阿桂於三月之初六日由南路督兵乘勝直擣美諾寨賊巢立破逆酋僧格桑先

於初五日見勢危急挾妾潛竄伊妻所居之布朗郭宗為元守計

布朗讀如挈眷遷窮

追期即獲

溫福與豐昇額既由西路統兵與阿桂會於美諾初九日即由帛噶爾角克分兵追勦直

抵布朗郭宗四面截取賊寨驚潰而僧格桑知勢不支將妻妾潛送金川自赴底木達欲見伊父土司澤旺澤

旺開門力拒僧格桑竟殺伊父所遣傳語之人自由美卧溝小路翻山竄入金川溫福等因撫定各寨人戶擒

澤旺解京一面尾追僧格桑勿令兔脫復遁本相連任爾狼狽顧那容駭

喙延小金之事藏黨惡問金川

平定兩金川方畧卷首

欽定四庫全書

平定兩金川方畧卷首

天章三

命緩徵川省過兵各州縣錢糧詩以誌事

癸巳

小金事蕺討金川不發難容矢在弦彼有謀深寧可置

金川逆酋索諾木與小金川僧格桑狼狽為奸蠶食革
布什咱鄂克什附近土司經官兵以次克復而軍營所
獲降人且訊有逆酋商謀官兵回去再打木坪瓦寺直
到維州橋不難之供今小金川雖悉平定而主謀未殄
日後潛肆併吞是中朝費如許兵力轉以藉寇兵而齎
盜糧邊境何由綏靖揆之理勢則併勦萬難中止也

我當功倍未宜捐

當官兵將破美諾賊巢時特授將軍副將軍參贊大臣等乘小金川既定

統勝兵直討金川分道並進令明檄索諾木陰譎罪狀大軍伐謀不減不休先破其膽且以作六師之氣堅隨

征衆土司之心事定熟籌善後規制俾邊民共享一勞永逸之福

雖云輓輸

去聲

都無累

亦念勤勞覺可憐一歲正供均緩納為民計久愛民先

命緩徵陝西湖廣等省過兵各州縣錢糧詩以誌事

一省偶興兵鄰省率波及因悟佳兵非其柰狂番習

人

狡悍性成徒徇撫柔之名彼且狎而生玩故欲靖邊防而專任德化者既用自愚且滋貽笑古訓稱克詰戎兵

良非虛語

用緣不得已惟圖速寧輯始原聽蠻觸

逆酋

僧格桑以報私

怨為名圖吞鄂克什之地始因其同類相讐事所恒有
惟命大吏往赴彈壓旋生反覆即當入告籌進討乃阿
爾泰惟事調停猶豫遂致養癰今即小金川悉平定而
移師直勦金川克渠不難並縛然始事已悔濡遲矣

終乃類姑息當大示懲創雄師齊衆力陝甘多勁旅滇

黔慣批拉湖南況接蜀近山善攀陟簡精各用長督以

旗勇集小金已全定金川猶竄賊掃穴雖可必未能期

頃刻言念過師處允宜沛恩澤緩徵以次第

陝西寶雞等六十四

州縣廳甘肅隴西等五十三州縣廳湖廣竹山等五十

七州縣廳雲南思安等八州縣廳貴州畢節等十七州
縣各詳核該地方人戶出力等差酌定加閭閻恩徧給
恩緩徵分數及帶徵年限務令被澤適均閭閻恩徧給

夙鄙問惠心祇覺抱慙德

過南嶺閱武兼遊實勝寶諦諸寺即事成什

健銳建是營乃自己已始其時定金川名實勝緣此畏

而赦盡勦將謂革心矣十年即漸猖蠶食鄰弗止然猶

俾安撫屢撫屢背詭

前此征勦金川大兵壓境莎羅奔即卡窮威乞降冀其誠心渝革遂

允所請赦弗加誅甫及十年即與鄰封土司搆釁攘奪相尋屢經督提撫諭而止即卡兀其子索諾木兄弟竟

敢背恩肆逆且有蠶食諸番侵及維州橋之意而小金川逆監僧格桑與之狼狽為奸鷓張自恣初皆未之知

也庚寅夏僧格桑與鄂克什修怨稱兵阿爾泰董天弼親往誠諭奏言逆首已遵教退回朕以番蠻互相仇殺

既知悔罪息爭姑且釋而不問孰意阿爾泰等竟以邪
克什之地斷歸僧格桑希圖遷就完事匿不上聞益為
逆首所輕視不數月索諾木遂侵殺革布什咱僧格桑
復攻圍郭克什並敢築碉抗拒逆迹益彰勢難中止辛
卯冬始興問罪之師二酋如此黨惡跳梁非併力翦滅
必貽後患因悔始之曲原赦罪繼之不欲加兵皆未免
失之姑息今不得不

蕩平

小金川番語謂之儻拉去年冬攻破美諾以促浸
平定其地僧格桑寬入金川擒其父旺解京

境今抵

促浸番語謂金川也今溫福由功噶爾拉移兵
昔領阿桂抵當噶爾拉豐昇額至日旁山梁並

扼金川險要連次破
殺賊即日可望深入

徒以春雪多兼之險可恃武雖

閱於斯功願成以邇實勝豈徒然寶諦力並企正法如

日照么膺技徒爾

昔地春雪本多蓋山高氣寒所致即今已交夏令日色暄暖自漸雪霽冰

銷易於進兵賊雖有險亦不足恃藉曰賊施耶趣暇縱遊茲能為札達祈雪彼邪不勝正技將安施耶

馳念惟塵彼

復雨

六月廿四夜

復雨輒復愁我愁紛有故間

去聲

作非膩霖大田未潦洳

所慮漲水發怒波衝驛路軍書盼孔亟遲或誤裁務困

獸竟反噬猖獗邀其隙初為遁逃藪繼乃狼狽助縱回騷

糧臺遮却更險據

小金川逆酋僧格桑與金川逆酋索諾木狼狽為奸侵吞鄰境拒抗王師

不得已命將中討去年冬攻克小金川僧格桑窘迫
走由美卧溝竄入金川大軍進剿期於掃蕩賊巢併擒
逆豎惟時命董天弼駐守底木達寨因以扼美卧溝要
隘孰意僧格桑復萌逆惡於六月初一日竟從去路潛
來冀佔舊巢並擾軍營後路乃董天弼庸懦無能先既
退居美諾及溫福嚴飭始回底木達仍另立一小營不
在官寨防守致為賊首窺伺乘間攻破即佔據底木達
布朗郭宗兩寨並煽惑降番復叛搶奪吊噶爾角克碉
科多一路糧臺擾截木果木後路逆首罪大惡極實為
覆載所不容而董天弼之玩懦貽誤亦死有餘辜矣思
之深切

憤懣

還軍有差跌懦卒散羣驚致失我賢臣痛惜言

難喻

先是溫福接劉秉恬札知賊番侵擾糧臺之信即
派參贊海蘭察統兵馳赴劉秉恬處援勦藉以無

虞不期初十日早賊竟侵至木果木山後而防駐之德
爾森保毫無措置以致失守賊遂竄入溫福軍營綠營

兵衆見賊先驚倉皇潰散僅存滿洲兵百餘溫福率以
擊賊竟致受創捐軀聞信深為震悼雖加恩贈襲伯爵
祠祀昭忠並賚貲助喪實旗兵之未遣綠營之徒付圖
不足以喻我痛惜之懷耳

省從公議可恃忘深慮

去年春已簡派八旗兵三千備
赴軍營因溫福阿桂俱奏滿洲

兵一人費至綠營三倍欲多用綠旗兵可不發京兵遂
為其言所惑不復深計因而中止設使溫福軍營賊至
時有滿洲兵千餘在彼則綠營得所依恃亦不致潰竄
失事是仍由溫福誤事予之輕信亦誤今悔已無及矣
所幸阿桂一路調度得宜收斂叛者斷其內應復分路
掩擊殺賊四五百衆並安章谷後路臺站軍心鎮定糧
儲軍器充餘足資倚任因即命為定邊將軍並派健銳
火尾營兵二千吉林黑龍江兵二千伊犁厄魯特兵一
千迅赴軍營重籌進剿

追悔何嗟及聚銅大錯鑄賊計

以中國威而張撻伐

誠益詭賊罪越難恕禁旅發精勇雪仇無返顧

天自鑒曲直我豈為窮黷

叶兩金川之役初意並不欲加兵而逆酋等敢於黨惡逆命

遂不得不加中討乃竟抗我顏行勢難中輟曲直所在上倉自能昭鑒並非予之有意窮兵黷武吾誰欺欺天乎今逆酋詭變若此實為罪惡貫盈自取滅亡耳 勤勞遑敢辭國威要揚布

喜晴

六月廿五日

歷辰猶細霖傍午遂大霽農功幸益佳軍營亦馳遽

自開溫福

軍營失事之信阿桂軍報數日不至其後路科多新橋一帶亦有賊梗阻深為懸注今早始得其十三日所奏軍營寧貼情形乃另從章谷一路馳遞者覽之始得慰懷 未然防已周先覺誅奸細

從逆盡勦滅可疑亦別置以此當噶拉安然若無事總

俟重進師應迴美諾至

阿桂一聞賊匪侵擾底木達布朗鄂宗之事料其必有小金川

番人內應預為防範復偵知降番被煽從逆者多即遣兵分路勦洗其有自金川潛至番寺者即并刺麻誅之並將進寨丁男移置他處收其兵器而頭人之可移者則羈之營中不令回寨是以當噶爾拉全營軍心鎮定因諭阿桂即撤兵回至美諾賊除羣賊收復底木達等寨並擒逆豎僧格桑將小金川全境廓清駐軍以待京兵至日另籌進勦是阿桂一軍之安所繫甚重固由其調度有方亦實賴上天嘉祐耳未逮難收

拾

嘉護感

天賜

自咎

自咎用人差用人真匪易昨歲平儻拉

者語謂小金川

頗屢建

勲幟

木果木軍營之潰實由溫福之失策儻賴而誤任溫福予惟引咎自責然所以用溫福者亦因其於

軍務尚魯經練此外更無可任之人當阿爾奉因循玩誤時遂命其由滇入蜀代阿爾奉統兵伊甫至軍營即

攻克巴朗拉收復達圓等處軍聲大振因即援以將軍尋與阿桂分路平定小金川屢著勲績初不料其昧於

馭下疎於自防敗績長師遽至於此用人之難不誠然乎

而何勦促浸

者語謂小金川

持久

遇險地遇險未能進我豈過責備倉卒賊遮却周防合

深計乃竟閉營門不顧夫役輩

叶溫福自進攻金川

昔嶺亦頗奮勉勦擊屢破賊壘而賊恃險抗拒不能即

進然未嘗加以責備乃溫福既聞賊匪自美卧溝竄入

小金川佔據底木達布朗郭宗且援及劉秉恬所駐之

箴拉角克己令海蘭察等率兵往援即應自為嚴防勿

使賊眾侵軼後路方是顧以山後要隘僅委之德爾森

保以致荒唐貽誤賊因得直至溫福大營先劫厥局後

斷水道溫福倉皇無措堅閉四面營門營中民夫役數

千無可依託紛紛散去使彼時收之營內為護持即備

人數以助軍威亦無不可乃竟拒而不納既

示賊人以弱且致搖惑衆心其失莫實甚矣若輩羣奔

散綠營遂逃棄因致賊大逞禍延多將吏

時溫福營中兵數幾及二

萬不為不多乃以調度失宜致綠旗懦卒一聞賊至且見人夫驚散遂皆喪膽亡魂相率奔潰溫福僅攜百餘

人銜出遇賊身殞初軍營報至方惜其為國捐軀予以
一等伯爵世襲罔替繼知其潰散之由並據富勒渾等
查奏陣亡文武大小各員多至數十人而將弁兵丁之
未出者又三千餘人實皆溫福一人所誤使其身尚存
罪在不赦豈可復膺五等之封因降旨削除伯爵然猶
念其歿於王事仍交部照例議卹使旌罰各不相掩其
陣亡文武則特勅優卹之褒忠之典雖施而其中若提
督馬全牛天昇副都統巴朗阿爾素納等並皆出力有
用之材為之嗟悼不置且同時

挫跌似此無憤報刻難

置

國家百餘年用兵多矣從無似此失挫者總因營中
無滿洲兵以致愆事若此亦由溫福阿桂倡議不用

旗兵所誤予亦誤信其言今悔已無及惟有調派八旗
勁旅及各省銳兵數萬並簡曾經立功之大臣等帶往
與阿桂另籌進剿以期所向克捷掃穴擒渠庶洩神人
之憤且慰死事者之心而予不得已而用兵之衷與今

日難以中止之勢則宣示中外俾眾共喻焉

旗兵悔未用事後稱羞智

軍報

軍報七千里十餘日馳至雖悉心裁酌彼處形又異是

在領兵者相機為進退於古有名言軍情弗遙制命宜

喜還師意因接阿桂

初木果朱軍營失事海蘭察等尚駐兵美美諾與阿桂聲息可通方冀

聞其後路會勦逆賊及聞美諾亦失阿桂以孤軍留駐當噶爾拉賊益鴟張而外無策應深切憂懸雖屢勅大

臣等候續調之兵到川攜以往接猶恐遲不及事計惟宜喜軍營距當噶爾拉稍近因迅諭豐昇額等速統兵

處援持重弗肯還詳陳彼地勢阿桂亦已出而無意外

事據險圖再進

先因收勦底木達布朗郭宗之事命豐昇額督兵赴大板昭斷賊歸路既乃命

其往援阿桂及豐昇額接奉赴勦大板昭之旨已聞美諾失守因計議謂去亦無益且恐倉猝移營軍儲不暇保護並致綽斯甲布土司窺伺生心設有虞疎後圖難繼奏請仍駐宜喜以資控馭迨奉往援當噶爾拉之旨又以已阿桂信復中前說豐昇額後次奏措未至而阿桂已奏自當噶爾拉全師而出退據翁古爾壘為再進計且於卡呷至章嚴密兩路均吉利視若違吾旨實乃周防余懷始得稍慰

合吾意

當此軍書絡繹宵旰運籌每有所見輒為隨宜指示然郵函馳往最速亦旬餘始達軍事移步

換形况料敵於六千里以外豈能必其始終不爽往往有傳諭甫數日續接奏又復迴不相侔深慮其以拘泥貽誤故有似遵旨而不當事機似違旨而深合吾意者惟在將軍等之臨事斟酌不意豐昇額舒常初膺委任

竟及見此有臣而若此實為國之瑞溫福吾舊臣債轅

翻禍至一慶一以慙憤慙刻弗置勁旅簡重征溫福之

不得人心而又慢無措置然實由持意不用滿洲兵致

為綠營懦卒所誤今簡派健銳火器兩營及吉林索倫

勁旅荆陝駐防精兵迅速赴軍勦逆洗深愧阿桂奏現今

營以期整旅復進迅速滅金川勦逆洗深愧阿桂奏現今

帝整頓舊兵籌度收復小金川仍分西南兩路進勦之

事並酌定分勦金川進兵道路志在必掃賊巢務擒逆

酋誅磔以雪憤恨因舉軍營重務悉以委之並擇順治

年間愛星阿所佩征緬得勝之定西將軍印授之佇望

早馳衆正

捷奏

天助順大舉期功遂

悔過

屢宣軍中人並觀更兼聽

軍營大臣侍衛等如巴雅爾富興齊里克齊福康安前後

至行在詢其軍中之事所言雖不盡相同而於溫福之庸妄僨事則衆口如一自屬公論

口碑出與

論孟恚庸臣行剛愎惟自是曾不集思定築矧將及千

工作勞衆病

溫福口吃而性急每當前席奏事往往因言未能達詞氣俱悖者其於朕前尚然况

臨下乎意其失不過如此今詢之知溫福剛愎躁妄自以為是叅贊以下並不虛衷集議即言亦不見聽動輒

盛氣陵人以致衆皆解體即如溫福於營中築矧卞令軍士搬運木石工作無時人多疲乏亦取怨之一端也

兵多分乃少攻勤翻鮮勝

溫福軍營兵衆幾二萬乃以萬餘兵散列及千卡兵本多

而分之使少遂致勢渙力單盡歸無用實為失策又每
隔數日即派兵撲礮不計地勢險易攻勦之能制勝與
否驅令輕冒鎗石惟藉以為奏事塞責之具每次士卒
傷亡數十而所殺賊不及其半以此兵心愈失然事前
實不能知其半
張之若此也

每晚虛施礮不惜火藥罄是皆軍所忌

溫福之所併以致賊邀隙情渙羣逃迸然此將半載不知
實我慄自古信將帥謗篋有弗證既已付之權豈宜設
伺偵孰謂致債事悔過徒慙忼觀過或知仁解嘲聊有
咏

將軍阿桂副將軍明亮奏報攻獲賊礮戰勝各情形

詩以誌事

討罪復仇重整師羽林黑水簡熊羆到齊南報發征肅

自蜀欣看至捷旗

經勦兩金川以來僅調派各省綠旗兵而滿洲勁旅於選定之後因溫福

阿桂奏止遂未發往以致事不足恃茲整兵再進宜等萬全因簡健銳火焄兩營兵二千並吉林黑龍江兵各

二千按隊邁進於十月中俱已入川昨阿桂奏派兵分路並進於十月二十七日啟程并與明亮相訂均於二

十九日同時進兵收復小金川而兩將軍隨馳函報捷皆十一月朔日所奏也西路兩朝據鄂

什阿桂在西路統兵又派海蘭察富興成德積福成果

等同侍衛章京共為五路領兵進勦今奏廿九日子時諸軍迅發阿桂色布騰巴爾珠爾福康安福珠里分

路策應是日即攻克資哩木拉斯底普爾瑪阿喀木雅

東溝及斯達拉阿喀爾布爾顯藏噶山梁色布色克美
美卡東瑪色渠十一處弼卡三日攻克阿喀木雅山上
大弼直取木蘭壩乘勢攻得鄂克什官寨賊人遁入路
頂宗官兵乘銳進攻以期即克攻弼時賊衆並悉力拒
守見官軍勇猛難禦所至奔竄我兵
南軍連日克丹思
追擊賊賊甚多并俘獲生口二人
南路官兵以明亮統之亦為兩路以富德森林分領明
亮督兵策應乃分三支為前後聲援又令三寶帶兵設
伏牽制賊勢今奏於廿九日夜半進兵明亮即攻克得
里富德攻克河北喇嘛寺日寨統出得里之前會兵奮
勇直取赤爾丹思奎林亦攻克河南之得布甲所
至賊皆始拒終潰勦戮二百餘獲鎗仗大藥無算那忘
昨歲艱如彼孰謂今番迅若茲
卡西路之阿喀木雅美
卡木蘭壩皆地險弼堅
昨歲攻平半年之久始得南路之得里等
寨亦然今乃於兩日間攻克之實為迅速
儻拉易為原

逆料促浸如故尚遲疑

小金川者語偶贊拉而促浸則小金川者名也予尚以贊拉降者

雖為僧格桑脅誘復叛今見逆酋為索諾木攜去久且為促浸所併其眾必懷怨望而促浸羣賊代贊拉守拒主客之勢不同斷難持久收復小金川之尚易為力早籌度及之魯屢諭將軍等今果如所料至金川則險隘如前於制勝之道高無把握聞其賊首色達爾賊目丹巴沃雜爾在美諾聚賊佔據二賊皆索諾木所恃為主謀助惡若能將二人設法擒獲則賊黨剪除勒平金川之機可得十之六七果爾予心方為稍慰惟仰賴蒼嘉祐並在將眾兵鼓勇斯宜耳諸將戒盈仍訓之

此次

軍等之用耳得勝之速固由添派八旗精銳勇往直前綠營兵有所倚伏亦皆效法知勉是以所向克捷但究覺得之太息恐賊人殺計讓我深入賊反在後抄截不可不防官兵方乘勝深入自不宜使知此意惟當鼓其銳氣奮勇成

功若領兵之將軍叅贊等則不可因連勝稍存矜滿必
添體滿招損謙受益之訓慎之又慎方能有濟隨傳諭切
戒之並命兩路將軍叅贊並查在事出力之將領弁兵
交部議敘具攻戰時傷亡兵卒雖屬無多亦令查明咨
部議
賜卹獎功施次第莫遺無濫慎叅差佇當二豎成

擒日始得吾心畧慰怡

將軍阿桂奏報克復美諾詩以誌事

收復小金原意料似茲迅速不期中

收復小金之易予
早逆料及之茲據

阿桂奏官軍於十一月初一二等日連克路頂宗明郭
宗諾險隘並攻得別斯滿兜烏帛噶爾角克現已克
復美諾駐守其地計自二十九日進兵以來
不過五晝夜即已集實不意其如此之速
詎因事順

或滿志尚以賊逃未愜衷

官軍攻勦卡碉時有躍入碉牆斬殪賊衆者有賊正奔潰

追擊殲斃者其墜仆崖壑之賊衆無算並收獲敵位十餘米百餘石尾仗乾糧亦多惟小金川賊目七圖安堵

爾聞官兵已上山梁即棄美諾而去自必仍竄入金川

渠魁未即就擒實為可惜是以雖聞捷音不以為喜並

諭將軍勿以事順自滿即宜乘勝速行分路進獎績並

勦促沒以期制勝此次出力將士仍飭部議叙

教予優叙乘機還勵奏膚功先聲討逆軍威振諒彼遊

魂計亦窮

將軍阿桂奏報收復小金川全境詩以誌事

事之將難上峻山事之將易下順水旬日全定小金川

幅員五百有餘里

自十一月十四日接阿桂美諾捷報後十九日復據奏海蘭察由別斯滿

一路於初三日直壓帛噶爾角克取岱都喇嘛寺隨攻克布朗郭宗底木達獲糧約四千餘斛其明亮之所勦河北河南各寨落以次收獲廿三日又據奏小金川授三等侍衛銜銜穆塔爾報稱大板昭馬爾當曾頭溝各寨番人俱懇請投降降其汗牛各寨番民亦各投順並聲叙從前不敢附賊之語自初二等日攻取明郭宗各寨至此收復小金川全境僅及旬日實為迅速其自美諾經底木達至大板昭計程二百四五十里而自美諾由南路至汗牛一帶迴思六月債事時猖獗賊亦迅若此程途亦約畧相同

一朝失亦一朝得

天道好還原定理整兵直進討促浸雪巔險滑仍如彼擬

欲持以久困之復慮師老致委靡賈勇及鋒而用壯

復收

備拉之易朕久意料及之至進勦促恐未能迅速集
事因諭阿桂等訪覓妥捷之徑分兵夾攻或可易於得
手其功噶爾拉當噶爾拉兩路只可用為牽制賊勢若
仍作為正路恐賊人抵禦如故即或待以日月持久困
守又恐師老志懈自當乘此新勝銳氣令
其鼓勇直前及鋒而用自為事半功倍

一月三捷心

焉企我非黷武願佳兵撻伐由來不得已

平定兩金川方略卷首

欽定四庫全書

平定兩金川方畧卷首

天章四

命緩徵川省過兵各州縣明年錢糧詩以誌事

甲午

緩徵去歲逮今年

川省自用兵以來雖停頓供億絲毫
不以累民而輓車軍儲不能不稍資

民力已節次降旨將癸巳
甲午等年額賦分別蠲緩

佈澤新正無可蠲賦稅預教

寬乙未

茲以小金川全境收復乘勝迅勦金川不無尚
煩閭閻轉運之力因諭該督查明辦差州縣繁

簡將乙未年應徵錢糧酌量分數緩徵

兵戈速願洗金川王師討逆不得

已民莫思艱為

去聲

計全一體夷租並加惠

軍務經行之所番民有認

納夷賦銀米貢馬者亦一體緩征

載咨方伯善勤宣

聞兩路軍營攻得要隘信至詩以誌事

兩路馳軍報一朝達喜音

明亮以正月十一日在馬尼報捷阿桂以正月十二日在

谷噶報捷俱於谷噶

讀作

既果入

阿桂等奏於正月初十日

谷噶了口佔其山梁三四處連

馬尼

去聲

並深侵

明亮奏初十日

丑時進攻馬尼之前攻得礮卡殺賊二十七

人富德裁出馬尼之後攻克隘口二礮搶奪木城殺賊三十餘和隆武於卡卡角亦攻得二礮與明亮兵合而對河之德赫布亦攻得賊寨四十餘處馬尼中山梁五

礮諸賊悉潰奎林以皮船渡雪冒如平蔡海蘭察等所統官兵自谷

至博堵亦得其木城二座

噶山梁丫口復行下溝風雪大作官兵穿林越險奮勇直前轉戰二十餘里五更又復大雪官兵轉乘雪霧迷漫直抵礮根除里黑夜破賊火騰卜剋金明亮進攻拉

人礮卡數處共殺賊三十餘

遂逼迤東大礮賊放鎗抵禦官兵不避危險蜂擁而上於西面挖開石脚拋擲火彈復於東南角舉籐牌掩蔽穴地實以火藥地雷車發礮墻旗兵真識義屯卒亦輸

隨地賊大半壓死餘亦皆殲斃

忱此次官兵攻礮接技倍為出力皆由八旗勁旅奮勇先登綠營觀感激勵並効法恐後而屯土兵練亦各

踴躍奮免咸敵愾么膺期就禽詎寧靳重賞在事出力之滿漢屯用命

土各兵俱加賞一月錢糧並令實用勵同心崇嶺彼失將軍等查明分給寧濫毋遺

欽定四庫全書

卷首

據

先是海蘭察等於初九日辰時即在谷噶山梁了口下埋伏賊人並未知覺至酉時見了口下有賊五人

海蘭察進躡之搶殪其一餘皆竄逸恐其至賊營送信因擬於喇穆喇穆橫嶺外分路進攻佔其左右山梁及相近之攢巴拉克山峯額森特亦據嶺東之色依谷山梁海蘭察又佔最高之登古山梁賊於此等要隘未預為守禦今大兵皆入了窮巢我可尋雖然宜戒滿籌筆口賊已自失其險矣

倍生欽

兩路官軍所向克捷實賴上蒼嘉護予惟益凜滿盈之戒以欽承眷佑耳

副將軍明亮等奏報攻克卡卡角山梁詩以誌事

玉壘蠶叢境跬步皆奇險番賊所恃茲急切未易掩馬

尼既奪砦

明亮於正月初十日進攻即拔克馬尼壩口奪硯賊軍聲大振尋進攻卡卡角賊人據

守木谿明亮於十九日子時派令將領督兵分勦時有
預伏稍壁下之空藍翎興善保守備田藍王乘夜漏未
盡率吉林索倫勁卒於萬難客足處駕空絕迹而行比
黎明興善保田藍王等已立於山頂官兵皆接踵而上
賊見我兵從山峯石空中截出皆驚懼失措而山梁礮
內諸賊咸望風潰餘皆奔竄統計殺賊五六十餘盡得
木谿

我軍鼓勇敢層層直逼進木谿亦隨陷

叶

而何卡

卡角當前險倍巖三面設計攻一線穿棧巉

先是攻得木谿令官

兵暫為休息明亮等隨相度形勢於二十四日派兵兩
路於正面西面仰攻明知賊所防備用以牽綴別派兵
千人繞過山後截出東面進攻使賊三面受敵以期得
手時東面溝內礮寨櫛比我兵攔阻在內復派巴圖魯
拉布棟阿等帶兵策應合為一處雖在溝內礮寨或焚
或奪然進退皆為地勢所限而正面西面官兵亦以處

險未能寸進相持至兩日兩夜察西面山麓絕壁中漸有攀陟可上之徑興善保田藍玉即選健兵五百起越登先豈意賊設伏火器潛來犯火熄支難施狡寇驚破膽

喙駝竄巖穴追擊多禽斬

二十六日黎明興善保等將陟山頂忽有賊數十於峯下

突出排鎗欲犯我兵而鎗藥皆不燃賊即驚竄我兵因得直薄其前揮力驅殺而賊人正面山嘴礮位亦隨火而炸三面官兵聞聲相應勇氣百倍共殺賊六十餘而山寨逸出之賊於山梁相遇我兵又截殺其半盡佔卡卡角賊寨此皆仰賴上蒼嘉佑神力默助所致朕惟倍深寅畏並肅將軍等益知威敬迅望集勲其奮免出衆之興善保田藍玉前既賞以巴圖魯號茲復授興善保四等侍衛田藍玉都司即用以示獎勵遂得

成奇功覽奏額手感斯誠

天默佑何修彌自慊佇待取馬邦

由卞卞角而前地名廣額特其西山勢壁立正

面山脚直插河流惟山半羊腸一線可通有兩石卡阻路又復護以大礮土人云是促浸南路第一緊要門戶明亮等擬用大礮轟擊可望計日克捷過此則為馬邦再進則為噶拉依賊巢惟益冀仰邀乎天貺掃蕩金川

速奏大捷

賊巢近可撼

助順而禍淫

昭昭懸上覽耆定速戢戈蒼生樂恬憺

將軍阿桂奏報攻克羅博瓦山礮痛殲賊衆相機進

勦詩以誌事

欽定四庫全書

卷首

羅博瓦最高四峯互圍擁危石銷岩穿冰巖滑龍從賊
緊要門戶死守弗開空然勢在必取將軍申戒董八旗

子弟兵其中多將種心既堅忠義力倍加拳勇偏伍與

彌縫部署勞洞洞

阿桂奏羅博瓦山最關緊要此一路必當竭力始得建瓴之勢因於廿三

日派海蘭察等統兵九百名攻第二第三山峯中間了口以截斷賊人歸路又令額森特烏什哈達帶兵在後

續進海祿保寧之兵又繼之普爾下仍攻羅博瓦之前山峯福康安攻喇吟喇穆大成又令特成額成德等由

左邊山溝潛進以牽賊勢夜發曉將及賊衆拒衝湧據高直下擣我

師屹弗動待其近至前持滿無不中叶綠旗及土練激

勵均躍踴履險如席平騰高擬鳥攫刀矛短兵接賊敗
不旋種隴踵奔案角悞跟逃穴孔兩日剋八碉廿六卡

獲兇賊巢斯已近一鼓期收總

廿三日三更傳令軍士
進發將及黎明官兵分

為五路各自爬越而登賊先已知覺即攢聚羣賊往下
直衝勢甚兇猛官兵內雖有被石滾傷之人並不稍為
移動俟賊人銜近持滿而發無不應弦而倒既近則刀
矛短接傷斃亦多賊人勢不能支始行敗退官兵上緊
追殺直上山梁賊衆除殺死外并有抱頭滾落崖下箐
中者海蘭察一面佔據了口碉卡一面往搶三四峯及
峯下一帶碉卡盡行攻克普爾普督兵攻打兩夜意氣
騰上攻開碉座統計殲賊二百餘俘浸頭人二名攻克
大碉八座大小二十六卡搶獲礮位火藥鉛丸甚多距
遜克爾宗不過五六里俯瞰賊人碉卡竟可直下衝壓

擬從羅博瓦對面山梁發兵截斷其後賊自不攻自潰
長驅直入更為得辦阿桂調度有方諸將領亦奮勉出
力因晉阿桂太子太保海蘭察授內大臣普爾普額
森特授叅謀大臣並賞荷包有差佇俟功成懋賞然

予更有思好生承

天寵逸德玉石焚佳兵誠宜奉渠魁所弗赦脅從實惜懂

曉之令歸命倒戈或陰拱

官兵殺賊甚多賊必心生畏然賊戮太多而朕心有所不

忍因諭將軍等及賊番驚怯之時開誠曉諭以此事由
於逆酋之負恩反噬罪在不赦與諸番無涉番衆中如
有能設法擒獲索諾木及莎羅奔兄弟並其姑阿青頭
人丹巴沃雜爾等至軍門來獻者奏聞另加賞錄如能
棄逆投降者亦可貸其一死各如安插諸番如果明於
順逆禍福自求可生之機既覺事半功倍且可免致玉

石俱焚方合朕
好生之心耳

誅殺既弗亟成功庶速鞏寄諭相咨諏

慎事惟虛竦

詠題壁玉韞賜將軍阿桂

閭體誠資挽六鈞玉工琢作刻崖人漫嗤沙苑詩無謂

用方岳
秋崖事

可識浯溪筆有神臂病多年疎射鵠心塵邇日

望書麟良球等度矣相稱合賜燕然勒績臣

遣悶

搗詞擬遣悶實覺悶艱遣昨近屢作雲率被終風卷今

朝雲既無風亦為之緩似此何日雨釋我愁纂纂沉復

接軍書阻雨計難展自克羅博瓦

阿桂攻克羅博瓦卡已扼促浸門戶因

於喇穆喇穆逼近駐營為進取計

門戶據初限對門突起峯更有賊礮

繕

叶

喇穆喇穆岡排柵守巉巖其下日則口格魯瓦角

捍

叶

是皆近賊巢

勒烏圖

抵死守根本

賊人以格魯瓦角乃彼中要隘恐為

官軍襲取根本一失則賊無所憑因聚眾拒守並問脫出賊番供稱莎羅奔兄弟及其頭人丹巴沃雜爾皆集

謀於此

六路分進兵調撥王臣蹇

阿桂以羅博瓦相對山梁賊寨難以仰攻而日

則了口實為險要因派兵六路海蘭察由羅博瓦下溝攻取對面突起礮卡如攻得即一面分兵則佔日則額

森特由海子斜上直取喇穆喇穆峯上第一大碉即分
兵壓之為海蘭察接應普爾普由莫斯科滿丫口進攻石
城即夾攻喇穆喇穆峯上第一大碉彰霧進攻丫口第
二第三大碉保寧進攻上腿上第四大碉烏石什哈第
由羅博瓦下攻賊木城牽綴使其不能分顧福康
安祿成德等則皆為策應之兵調度頗中機要然需

數日晴鼓勇鯨鯢剪而何逮一月雨多晴乃鮮

分撥既定只俟

連晴數日可即克日進攻乃四旬以來雨雪多而晴霽
少官兵不便令其衝泥履滑我滿州勁旅急欲奮勇直
前阻於無可施
展人皆奮勵
日朗潭陽坡氣寒凍陰噉刺手致泥步

坐視賊不遠

按圓而計阿桂軍營距勒烏圍賊巢不遠
是此一路實有可進之機因命新調滇黔

兵五千馳赴阿桂軍營助
其聲執俾益迅速集事

三軍同敵愾蓄養徒憤懣以

彼移乎此

軍營久雨少晴京畿久晴少雨若令兩地時晴相易則彼此各得其用惟願上倉點佑

適如所願耳

易地則皆善望之弗能得鬱陶自愧報

軍郵

軍郵今日來報克色湖普羅博瓦捷後兩月餘阻雨然

雖定六路曾未寸步舉

先是阿桂擬分兵六路由羅博瓦下溝攻取對面突起礮卡搶

佔日則了口並攻喇穆喇穆脊上大礮以番地雨雪久不止我軍未能即進

邇來畧放晴我

軍勇倍賈門戶既已近賊人防益固

叶

山脊築三礮左

右更夾輔進退兩維谷決策在破釜期得而後往將軍

計非鹵分投各銜枚一呼發萬弩

羅博瓦岡下地名色湖普賊於山梁中連

列三礮復於兩旁坡塲各築大礮右一左二與中互為援應時因久不進攻官軍蓄銳勵勇思一展試會連日晴霽先派海蘭察等統兵攻中路額森特烏什哈達等各統兵攻其左右福康安等為後應十二日丑刻月黑後阿桂豐昇額色布騰巴爾珠爾董率各兵分隊銜枚前往設伏先令普爾普等攻撲喇穆喇穆各礮以分賊人之力其右麓並令成德等作勢牽綴普爾普等直上連搶兩大石卡賊方合力抗拒海蘭察等已直抵第一礮根賊因礮半為礮所摧於下截堆木為禦官兵即就木堆騰躍而上破其礮牆拋入火彈賊見官兵四面圍攻固守不出乃派索倫兵預伏其旁開圓一面誘之賊果竄入伏中官兵擅弦以待射殪過半餘亦負箭而遁其第三礮賊雖悉力死拒官兵亦皆躍上礮頂毀門克之賊賊殆盡其左右兩坡之礮並先後攻克賊與中

路畧同復克其向西山麓之硿未幾文克其向南山麓之硿是役也統計攻獲戰硿十一平礮四十礮五火礮鉛丸鳥鎗刀矛口糧無算殺賊二百餘割首級三十九耳殪五殪其大頭人達什側妄即索諾木令在此路領兵者又斃其次頭人已克多綽富思達爾結二名捉得生口六皆訊供以聞 人人自為戰上

下力各努蹕硿如履平礮石中鼓舞觀之心惻然嘉極淚欲墮 叶得戰硿十一平硿四十許殺賊二百餘器械

獲無數殲其大頭人率醜守硿者 叶蓋自用兵來斬獲

斯為巨臨遜克爾宗勒圍近堪覩賞卹所弗惜 叶來克硿

斬獲之多無有及此次者因勒部錄叙並解親佩璽囊賜將軍泰贊以示寵異其領隊大臣之出色者如海蘭

察等六人亦賞
官用遜囊各一

嘉許難形語佇待馳紅旗崇捷者定武

杜甫詩有已收滴博雲間戍更奪蓬婆雪外城句為
和嚴武軍城早秋作注之者謂滴博蓬婆西山地名
或云滴博西山城名蓬婆吐蕃城名或又於滴博下
注云嶺在維州至何以謂之滴博蓬婆則未詳其義
按武為劍南節度使以廣德二年連破吐蕃詩正作
於此時今維州橋在汶川其外即蕃境近諸蕃吐蕃
種類向聞促浸逆首有欲佔維州橋之語並聞其地

以此語造為歌曲流傳已久則唐時或曾占維州境亦未可知故云已收滴博也又今以維州已外為西路與嚴渠所稱西山亦或為滴博蓬婆以內地字義解之輒不得其說考番語即唐古特語唐古特謂樓曰丟丁羞切烏今地名亦有訛稱兜烏者丟烏急讀即為碉故今以番人所居之樓為碉其石碉於字書為石室兼樓稱之義始全但言碉者猶從番語耳又唐古特閉頭巴字亦讀作幹視其語所應用者而分之

或當時有粗識番字不解字義之人讀幹為巴丟巴
再轉遂為滴博亦猶元姓却特誤為奇渥溫由粗識
蒙古字形之人妄為敵合因至傳訛耳又蓬婆亦唐
古特語明博之轉朋博者堆阜之謂今之色溷普為
賊番就堆阜築碣之所則溷普當即溷博之訛色工
色爾番語所謂金也茲因紀色溷普之捷考訂如右
將軍阿桂奏報大兵攻克喇穆喇穆山梁及日則了
口詩以誌事

色湖普克固可進喇穆喇穆轉在後山梁上有賊戰礮
真進仍虞彼掣肘我兵相勢分營圍而匪衆徒亦嚴守
惟彼峯尖兩大礮肋崖如削猿猴走以固賊不甚隄防
得此斯為踞其首搯吭拊背則無難搗虛抵隙或堪取

分兵路路各進攻

阿桂奏自克色湖普以來賊知我兵
注意在彼守禦益密因細加體察喇

穆喇穆一帶山梁各礮其東附近登古丫口者醜徒聚
守最嚴其南近薩斯甲赤溝者亦為堅固惟迤西峯巒
突起兩大礮居山絕頂兩旁坡崖如削北面山勢更陡
賊度官兵不能往據若能佔此山巔以斷其後路勢必
俱成瓦解可收搗虛抵隙之功即於二十二日晚令額
森特烏什哈達等分兩路攻色湖普南面山岡賊礮福

康安帶兵接應又令普爾普海祿等進攻喇穆喇穆山
梁東邊之碉保寧章靄等攻其以次賊碉並令成德特
成額六十六等亦於左邊進攻海蘭察官達色泰斐英
阿格勒爾等直取絕頂兩大碉而於蒲州吉倫索倫及
綠營軍土各兵內選至勇別選精銳登峯嘯峭壁直上
至健兵六百餘分隊潛上

千仞高以頂繼踵翼為手須臾遂克兩戰碉賊衆盡殲
無一漏

叶

其餘各碉雖力拒我圍益堅魚在留賊知難

拒盡棄遁我兵追戮多僵仆

叶

廿三日寅刻額森特等見海蘭察兵已抵賊碉

下督兵趨赴越過三道深濠箭殪多賊其普爾普等所
攻第一賊碉官兵直冒鎗石拋置火彈刨挖碉根賊窘
迫出碉官兵鎗箭齊發覺賊甚衆紅衣中紅衣賊目冒
背帶箭而竄成德等將獲石碉木卡盡力攻取克石卡

四座惟時海蘭察所帶各兵先於半夜月出之前掩藏火繩並屏息而前由石壁陡滑處緣上前人之踵幾及後人之頂以手引手蟻附前進預伏礮旁至明一擁而登直上東峯礮頂毀門踴入盡殲賊衆即撲進西峯尾礮圍攻奮力勦殺無遺並焚其下兩木城賊隨燼滅成德普爾普保亨等冒雨攻圍山梁之礮徹夜無倦賊棄礮遁廿五日早大霧迷漫之際海蘭察等復從山梁尾礮乘時搶殺西南兩山岡礮卡官兵勝後勇氣倍增並攻克日則丫口各礮卡殲賊多賊是役也攻得戰礮三十六木城五石卡二十餘平礮百殺賊數百餘生擒獲二馬贏十一礮一鎗仗口食無筭喇穆喇穆山梁為此路賊人第一要隘而日則丫口亦勒烏圖要路將士攀援超越奮不顧身雖雨夜霧晨彌加勇往而海蘭察不避艱險每攻必克尤為勇將亦由將軍等調度有方因勅部優叙並賞兵丁等一月糧乘勝勇氣百倍增並即克並傳諭將士以待底績策勲

日則了口是役諸將皆用力而海蘭察功最右相機取
遜克爾宗佇待捷音奏囊剖

副將軍明亮奏攻克宜喜達爾圖山梁已據要隘籌
取賊巢詩以誌事

宜喜達爾圖賊之北門戶攻已一歲餘曾未進數武所

以豐昇額改圖易西路

叶 達爾圖山梁為宜喜要隘
賊人守禦極嚴昨歲豐昇額統

兵在彼同舒常攻打經年未能寸進因移兵凱立業
立業亦無可進之路遂就阿桂軍營兩將軍併一路明

亮進正地復以遇險阻亦欲往西路已謂義可許

明亮
自絨

布寨帶兵七千移攻正地及遣人偵探黃草坪一路直
進二十餘里不見賊跡斯噶爾一路堅礮林立箐密山
深難於急進且恐墮賊詭計亦請移赴凱五葉協勦
或聽阿桂就近調取以所奏頗為近理遂嘉許之阿

桂令其迴牽綴由宜喜

叶信謂阿桂聞明亮欲往西路之

綴之法使賊勢分而力弱用飛扎明亮令赴宜喜酌勦
明亮軍次木池得阿桂札即馳往宜喜而綽斯甲布土
司等亦誠懇明亮在彼統兵明亮因駕馭鼓勵土司共
知奮勉自効然其地有鑒於上年之難進未能信其為
策之善也昨接阿桂奏攻礮進了口叶即日晴明望宜喜

賊礮毀弗覩但見我軍營列據山梁處疑信尚未定今

朝奏囊剖叶分攻彼七礮奮勇齊並舉一時皆即克兼

得格勒古

昨阿桂於日則了口軍營奏初六日清晨雲開日出之後遙望達爾圖山梁賊碉俱已不

見但見官兵營盤七座知明亮已得手云云雖喜且盼未敢遽信也十八日早明亮奏達爾圖山梁橫亘數里

其中節尤要賊於此連築七碉非力攻不能得利因派奎林等攻第一第二兩碉和隆武等攻第三碉三寶等

攻第四碉殊爾格德等攻第五碉科瑪第攻第六碉噶塔布等第七碉每起帶兵六七百名如不得復派馬彪

舒景安都韓嘉等各帶兵策應其俄坡格勒古則令都司崔文傑等帶領綽斯甲布土兵三千往攻初四日黎

明前各將領分路並進維時大雨如注官兵冒雨直進勇氣百倍和隆武先攻克第三碉餘皆以次而克賊

二百餘斷首級者廿一耳殪三十七其俄坡格勒古亦俱攻得隨將所有碉卡折毀安設營壘與阿桂所奏望

見情形適相合矣

惟餘第四碉勵衆期必取

明亮等統計得戰碉十五座平房廿

六間大礮鎗矛食物無算生擒大頭人一散番八惟餘
東北山口第四礮未克然其勢已孤現今設法攻取一
經攻克即可乘席捲之勢與
阿桂合兵搗擊以伸衆忿
成功神且速嘉勞
去聲
難盡

語而實賴

天佑助順默相輔賊巢已逼近螳臂應難禦諸臣既同心

和則力共努

明亮奏至降旨交部優叙在事出力兵丁各賞一月糧將軍等如此同心協力深所

嘉許和能成事計日盼捷音之至

定功應懋捷音日夜佇

將軍阿桂奏報攻克該布達什諾大木城及色湖普

下各礮并焚燒格魯瓦角寨落詩以誌事

制勝出奇資帥畧克磧賊不崇朝

阿桂奏刻布達什諾賊大木城最為

扼要若從彼繞出即斷其後路不得不為冒險出奇之計隨派海蘭察等分路繞截攻打十七日寅刻各帶兵潛進比黎明海蘭察已繞過箐林搶佔木城後山腿之上派兵焚其附近寨落殲其番衆賊見事勢危急悉衆來援捨死格鬪我滿洲索倫兵鎗箭齊發殲賊無數並射其兩頭人官兵箭枝將盡遂暫撤回顏森特見賊人寨落烟起知海蘭察已經繞出賊色湖普右山溝下備禦必疎遂起越巉道灣塗且戰且行直踞色湖普山梁亦焚其下附近寨落十八日夜復派各路帶兵分攻討於十九日子刻同時並起官兵分兵而進折柵上磧勇皆百倍富興福康安成德等各將木城磧卡攻克海蘭察於山後射斃多賊顏森特亦循山梁直下均各攻奪賊寨立時焚毀此皆色湖普下格魯瓦角地也計克磧房磧二十三木城九石卡六十餘橫毀寨落七十餘磧房

數百殲賊男婦老幼三四百所獲軍械糧畜
無算官兵勢已聯絡現在進攻遜克爾宗
三軍敵愾

誠均篤二將宣猷績獨超
此事故殲殺賊在事將領弁
兵無不奮勇出力而海蘭察

額森特尤為勇畧超羣除諭部優叙外仍加賞海蘭
察超勇巴圖魯額森特嫻勇巴圖魯號以旌異之事

建半功將建倍勇宜鼓志不宜驕
現今大功將成諸事
尤宜全善三軍乘勝

果入自皆鼓勇直前無不可因此稍涉矜驕
以致志得意滿畧有疎懈並傳諭切誡之
勗哉佇企

紅旗報紫閣重開姓氏標
像平定西陲凱旋時曾繪功臣
於紫光閣其立勲最著之

五十人親為贊餘五十人亦命儒臣擬贊撰辭書之並
紀殊績今平定金川原係內地土司雖非若西師之拓
地開疆可比而將士攻堅力戰之績則較西師更多將
來功成就宴亦欲破西師之例圖形紫光閣以昭懋典

也

將軍阿桂等奏報攻佔默格爾山梁並奪碉殺賊情

形詩以誌事

遜克爾宗賊門戶攻餘兩月未能開因教繞道乘其隙

前因阿桂在遜克爾宗攻勦日久未能即得因思日爾巴當噶為必須攻取之地商之阿桂或令豐昇額帶兵數千馳赴凱立業與武岱合力攻壓可收夾擊之利現在覓間進攻之路適與前旨相合遂得登峯

殲厥寇

阿桂奏探得日爾巴當噶以下榮噶爾博以上其間有默格爾山梁若能襲取則進取勒烏園

既為得勢而凱立業日爾巴當噶之賊皆之我後計可不攻自潰因令海蘭察繞過前往以搶佔默格爾山梁

額森特等亦奪獲碉卡瑚尼爾圖帶兵佔據日爾巴當
噶西面高峯海蘭察額森特復攻壓密拉噶拉木大寨
及其旁碉卡盡行攻克並克獲凱立業各寨通計殺賊
一百五六十生擒者五得大碉寨房又二百餘間鎗矛
牛羊措犯等物無算聞
之稍慰佇盼提音繼至
榮噶巴當應棄守
阿桂稱現據
木距噶爾哈喇嘛寺不過十餘里即前抵勒烏圍賊巢
亦止三十里今經官兵佔據則榮噶爾博之賊已失其
險日爾巴當噶雖尚有賊而前後俱有官兵賊自不能
復為死守云云想可迅掃勒烏圍以期大功速蕆至此
次官兵因沮滯日久積憤愈勵並于無路徑之處不避
險滑攀越力攻竟日徹夜不少休息可嘉之中復為憐
惜因勅部議叙其海蘭察額森特尤為
勇敢超羣特授叅贊大臣以示獎勵
勒圍噶喇速成

推諸臣努力憐為慰朝夕紅旗望報來

副將軍明亮攻克日旁一帶碉寨詩以志慰

三軍同力努諸將一心佳達爾圖雖險日旁梯可階

明亮

奏以達爾圖賊人有備未可急於輕進因查日旁道上臨絕壁貼有散坡一道寬不及丈下至山半復陡起石包賊人在上聯排卡寨難展兵威惟周叟對面之山即係日旁分支其前有路可以繞出石包之後林深路險止可進而不能退隨派和隆武等帶兵從此路直伏夜行密為繞越仍於正面揚威其叙下山溝並派兵規取明亮等復統兵在後策應均約分兵還選隊入箐更於十月二十日寅刻同時進攻

緣崖正正旗先展堂堂陣自闔聲來擊西應前至後登
皆流鏑飛擡擲抱頭互擠排石包難復守沙壩亦淪埋

望已賊巢近擣從虛處挨

十九日四更和隆武兵已繞至日旁山後即分搶礮寨賊


衆措手不及鎗石俱不能施我兵盡力勦殺將所有戰礮十餘座平礮二百餘間全行攻奪即山溝內水礮水卡亦經佔據沙壩山賊幾次欲來衝奪俱為我兵截往而石包上拒守之賊因官兵勦擊追射無路可逃俱紛紛滾崖落澗無得脫者統計殲賊甚多割獻首級三十餘生擒者七所獲兵械馬羸牛羊口糧等無算算過此石包直望勒烏圍不過二十里皆係漫坡且與阿桂所攻日爾巴當噶止隔一河兩軍會合即已不遠本為聲東擊西之計今成攻瑕擣虛之舉為之欣慰

指大捷候星差和起真有子

此次攻得日旁全係和隆武之功和隆武為將軍和

起之子和起前在闡真軍營因追已雅爾為逆回所害曾加優恤並給以世職今和隆武復能如此宣勞建績

和起可謂有子為欣餘切感懷
之欣喜兼感於懷



平定兩金川方畧卷首